

საბაკალავრო პროგრამის დასახელება: ამერიკისმცოდნეობა / American Studies

მისანიჭებელი აკადემიური ხარისხი: ჰუმანიტარულ მეცნიერებათა ბაკალავრი / Bachelor of Arts in American Studies

სწავლების ენა: ქართული

პროგრამის ხელმძღვანელი: ასოც. პროფესორი ვასილ კაჭარავა და ანასტასია ზაქარიამე

### პროგრამის საკვალიფიკაციო დახასიათება:

წარმოდგენილი პროგრამა თავისი არსით ინტერდისციპლინარული და დარგთაშორისია, ეს სპეციფიკა ასახულია მის კურიკულუმში: საგნები მოტანილია როგორც ჰუმანიტარულ მეცნიერებათა ფაკულტეტის სხვადასხვა საბაკალავრო პროგრამებიდან, ისე იურიდიული, სოციალურ და პოლიტიკურ მეცნიერებათა, ეკონომიკისა და ბიზნესისა, ზუსტი და საბუნებისმეტყველო ფაკულტეტების კურიკულუმებიდან. ამ ეტაპზე საბაკალავრო პროგრამა ამერიკისმცოდნეობაში წარმოდგენილია, როგორც ერთიანი პროგრამა, ანუ ის არ არის დაყოფილი მოდულებად, თუმცა მის აღნაგში ნახავთ საგნებს, რომლებიც ამერიკისმცოდნეობის ამა თუ იმ დარგს მიეკუთვნება (მაგალითად, საგნები აშშ ისტორია, ამერიკის ხალხთა ეთნოლოგია, XIX და XX საუკუნეების ამერიკული ლიტერატურა, ამერიკული ფილოსოფია, და სხვა).

**პროგრამის მიზანი:** საბაკალავრო პროგრამა მიზანად ისახავს სტუდენტს შესძინოს საბაზისო ცოდნა ამერიკისმცოდნეობის სპეციალობით. სწავლების მიზანია, სტუდენტებს გააცნოს ის ამოსავალი პოსტულატები და კონცეპტუალური საფუძვლები, რომელნიც განსაზღვრავენ ამერიკულ მენტალობას და სოციოკულტურული სივრცის მდგრადობას, საბაზო ფასეულობებსა და განწყობებს, ისტორიულ-პოლიტიკურ, სამართლებრივ, ფილოსოფიურ, მხატვრულ, რელიგიურ და ზნეობრივ კულტურშემოქმედებისა და ცხოვრების წესს. სწავლების პროცესში სტუდენტი შეიძენს კონკრეტულ საბაზისო ცოდნას ამერიკისმცოდნეობის სპეციალობით, რაც გულისხმობს ინგლისური და ესპანური ენების საფუძვლიანად დაუფლებასთან ერთად, ამერიკული ლიტერატურის, ფილოსოფიის, ისტორიის, ეთნოლოგიის, სამართლისა და ეკონომიკის, ხელოვნების, და სხვ., ძირითადი პრობლემების დასმის, განხილვისა და გადაწყვეტის ზოგადი მეთოდების ცოდნას. ამასთან, სტუდენტი შეიძენს ამერიკული აზროვნებისა და ფასეულობების საწყისებში გარკვევის, გაგებისა და გაშუქებისათვის აუცილებელ უნარ-ჩვევებს, რაც დაეხმარება იმ ზედაპირული და ხშირ შემთხვევაში უარყოფითი სტერეოტიპების დარღვევაში, რომლებიც მასიურ ცნობიერებაშია ჩამოყალიბებული.

### პროგრამის შედეგები:

ჰუმანიტარულ მეცნიერებათა ბაკალავრი, ამერიკისმცოდნეობის სპეციალობით იღებს კომპლექსურ ცოდნას არა ოდენ ამერიკის შეერთებული შტატების, არამედ ლათინური ამერიკის კულტურის ფენომენზე (ლიტერატურა, ფილოსოფია, პოლიტიკა და

დიპლომატია, პოლიტიკური ფილოსოფია, ისტორია, ეთნოლოგია, მითოლოგია, ხელოვნება), ეუფლება ინგლისურსა და ესპანურ ენებს (ენის ცოდნის დონეა B2), ერკვევა ბრიტანული და ამერიკული ენების განსხვავებათა ნიუანსებში, ორიგინალში კითხულობს ამერიკული და ესპანური ლიტერატურისა და სხვა სპეციალური ლიტერატურების (ფილოსოფიური, ისტორიის მეცნიერებათა, ხელოვნებათმცოდნეობითი) ნიმუშებს, იძენს ამერიკისა და ამერიკული ყოფის თანამედროვეობისა თუ წარსულის შემოქმედებითი ათვისების უნარებს, ფლობს სამეცნიერო ლიტერატურის კრიტიკული ანალიზის საფუძვლების, წერითი და ზეპირი პრეზენტაციის უნარებს. დროის დაგეგმვისა და საკომუნიკაციო უნარებს, ინტერპერსონალური და ჯგუფური მუშაობის უნარებს, სოციალურ უნარებს.

### **დასაქმების სფეროები:**

ამერიკისმცოდნეობის სპეციალობის მქონე ბაკალავრი შეიძლება დასაქმდეს შემდეგ სფეროებში:

- კულტურული და მთარგმნელობითი ცენტრები,
- ამერიკულ-ქართული კომპანიები, ფონდები და ორგანიზაციები,
- ამერიკისა და საქართველოს დიპლომატიური წარმომადგენლობები,
- ბიბლიოთეკები,
- გამომცემლობები,
- მასმედია.

**სწავლის გაგრძელების საშუალება:** ამერიკისმცოდნეობის სპეციალობით ბაკალავრიატის დამთავრების შემდეგ სტუდენტს შეეძლება სწავლის გაგრძელება მაგისტრატურაში ჰუმანიტარული სპეციალობით (სპეციალობათა ჩამონათვალს განსაზღვრავს კონკრეტული სამაგისტრო პროგრამის კოორდინატორი), და, რა თქმა უნდა, ამერიკისმცოდნეობის სპეციალობის სამაგისტრო პროგრამით.

**პროგრამაზე ჩარიცხვის წინაპირობა:** საბაკალავრო პროგრამაზე ჩარიცხვის მსურველს გავლილი უნდა ჰქონდეს შესავალი კურსი ამერიკისმცოდნეობაში.

**ძირითადი სპეციალობის არჩევის ბოლო ვადა:** მე-3 სემესტრი.

**პროგრამის მოცულობა:** რვა სემესტრი – 240 კრედიტი: 1) ძირითადი პროგრამა - 120 კრედიტი; 2) დამატებითი პროგრამა – 60 კრედიტი; 3) საფაკულტეტო საგნები – 50 კრედიტი; 4) თავისუფალი საგნები – 10 კრედიტი.

შეფასების ზოგადი წესი: სტუდენტის ცოდნა ფასდება 100 ქულიანი სისტემით; მინიმალურ შეფასებას წარმოადგენს 51 ქულა; შეფასება ხორციელდება მინიმუმ ოთხი კომპონენტის მიხედვით. შეფასების კრიტერიუმები მოცემულია კონკრეტულ სილაბუსებში. გთავაზობთ ზოგად ჩარჩოს:

91 -100	ფრიადი, A
81-90	ძალიან კარგი, B
71-80	კარგი, C
61-70	დამაკმაყოფილებელი, D
51-60	საკმარისი, E
41-50	ვერ ჩააბარა, FX
0-40	ჩაიჭრა, F

**სამეცნიერო კვლევის მატერიალურ-ტექნიკური ბაზა:** პროგრამის სამეცნიერო-კვლევითი კომპონენტი განხორციელდება თსუ ამერიკის შესწავლის ცენტრის, თსუ-სა და საქართველოს ეროვნული და მეცნიერებათა აკადემიის ბიბლიოთეკების, სხვადასხვა სამთავრობო და არასამთავრობო დაწესებულებებისა თუ კერძო კოლეჯების ბაზაზე; თსუ ამერიკის შესწავლის ცენტრს აქვს კომპიუტერული ბაზა, ინტერნეტი, მდიდარი ვიდეო და აუდიოტექნიკა, შესაბამისი ვიდეო და აუდიოტექნიკა.

**major**

**minor**

ამერიკისმცოდნეობა

ისტორია

ხელოვნების ისტორია და თეორია

ფილოსოფია

ინგლისური ფილოლოგია

ესპანური ფილოლოგია

## დამატებითი (minor) პროგრამა

დამატებითი საბაკალავრო პროგრამის დასახელება: ამერიკისმცოდნეობა

სწავლების ენა: ქართული

პროგრამის ხელმძღვანელი: ასოცირებული პროფესორი ვასილ კაჭარავა, ასოცირებული პროფესორი ანასტასია ზაქარიამე

პროგრამის საკვალიფიკაციო დახასიათება:

დამატებითი სპეციალობის ფარგლებში მოსმენილი საგნები აისახება დიპლომის დანართში, მაგრამ დამატებითი სპეციალობა სტუდენტს არ ანიჭებს კვალიფიკაციას და აკადემიურ ხარისხს.

პროგრამის მიზანი: პროგრამის მიზანია სტუდენტს შესძინოს დამატებითი კომპეტენცია ამერიკისმცოდნეობის დარგში. კერძოდ, მისცეს ზოგადი ცოდნა ამერიკის ისტორიულ-პოლიტიკური მდგომარეობის, სამართლებრივი, ფილოსოფიური, მხატვრული, რელიგიური და ზნეობრივ-კულტურული ტენდენციების შესახებ.

სწავლის შედეგები: ამერიკისმცოდნეობის დამატებითი სპეციალობის კურსდამთავრებული იცნობს ამერიკის ისტორიას, პოლიტიკურ და ეკონომიკურ მდგომარეობას, ლიტერატურასა და კულტურული ცხოვრების ტენდენციებს. ამერიკული საზოგადოების მსოფლმხედველობრივ თავისებურებებს. ფლობს სამეცნიერო ლიტერატურის კრიტიკული ანალიზის საფუძვლების, წერითი და ზეპირი პრეზენტაციის უნარებს. დროის დაგეგმვისა და საკომუნიკაციო უნარებს, ინტერპერსონალური და ჯგუფური მუშაობის უნარებს, სოციალურ უნარებს.

სტუდენტის ცოდნის შეფასების სისტემა: სტუდენტის ცოდნა ფასდება 100 ქულიანი სისტემით; მინიმალურ შეფასებას წარმოადგენს 51 ქულა; შეფასება ხორციელდება მინიმუმ ოთხი კომპონენტის მიხედვით. შეფასების კრიტერიუმები მოცემულია კონკრეტულ სილაბუსებში. გთავაზობთ ზოგად ჩარჩოს:

91 -100	ფრიადი, A
81-90	ძალიან კარგი, B
71-80	კარგი, C

61-70	დამაკმაყოფილებელი, D
51-60	საკმარისი, E
41-50	ვერ ჩააბარა, FX
0-40	ჩაიჭრა, F

**დასაქმების სფეროები:** დასაქმებას განსაზღვრავს კურსდამთავრებულის ძირითადი სპეციალობა, დამატებითი სპეციალობა ამერიკანისტიკა მას ხელს შეუწყობს დასაქმდეს, ისეთ დაწესებულებებში, როგორცაა:

- კულტურული და მთარგმნელობითი ცენტრები,
- ამერიკულ-ქართული კომპანიები, ფონდები და ორგანიზაციები,
- ამერიკისა და საქართველოს დიპლომატიური წარმომადგენლობები,
- ბიბლიოთეკები,
- გამომცემლობები,
- მასმედია.

**დამატებით სპეციალობაზე მიღების წინაპირობა:** საბაკალავრო პროგრამაზე ჩარიცხვის მსურველს გავლილი უნდა ჰქონდეს შესავალი კურსი ამერიკისმცოდნეობაში.

**პროგრამის მოცულობა:** დამატებითი სპეციალობის მოცულობა – 60 კრედიტი.

**ძირითადი სპეციალობის არჩევის ბოლო ვადა:** არაუგვიანეს მესამე სემესტრისა.